

Coordination des Associations culturelles nationales



Association pour la Promotion de
la Langue Wolof en République
Islamique de Mauritanie
(APROLAWORIM)
tel : 22 46 29 72



Association pour la
Renaissance du Pulaar en
République Islamique de
Mauritanie (ARPRIM)
tel : 46 96 19 58



Association Mauritanienne
pour la Promotion de la
Langue et de la Culture
Sooninké (AMPLCS)
tel : 46 40 03 69

21 colte, ñalngu winndereewu Demngal nehniwal

« 2025, duubi 25 darnde ngam hisnude demde nehniije kam e keewal mum en »

No winndere ndee fof nii, pelle pinal ngenndiije, hono FBPM, AMPLCS e APROLAWO, ine mawnina Ñalngu Winndereewu Demngal Nehniwal ngam yellitde kuutoragol demde nehniije nder duude laamu, e sembinde keewal demde e pine, e tiidinde ngootaagu ngenndi.

Ndee hitaande, mawngol ñalngu nguu ardini ko « **keñoragol jaawnugol bantaare faatunde e keewal demde ngam mahnde aduna burdo udditaade e duumaade, doo e hitaande 2030** ». He Muritani, ngu ari ko e ngonka maantinirka :

- Hitaande adande keblugol naattingol demde men ngenndiije dee kala nder duude laamu. Addani pelle dee weltaade e ngal pellital ko sabu mum yenaneede wonde kuutoragol demngal nehniwal ine newna jangde, wallita faamamuya miiijande gorwore, usta goppugol jangde. Angal tiidatina neddaagu pinal, wallita keygol he renndo, newnana sukaaɓe ɓee jangde demde godde. Nder leydi mbayndi no Muritani nii heewde demde, jangde demde keewde tuugiinde e demngal nehniwal ina gaddoo nuundal burngal mawnude kam e keynugol moyɗol janngoobe nder tippudi nehdi e jangde.
- Kuutoragol demde ngenndiije pulaar, sooninke e wolof nder kumpital laamu leydi ndii, rewruude he tammorde limnere Saaktirde Kabaruuji Muritani (AMI). Kono tan ngal pellital moyɗal ine foti tiidtinireede keblugol jaaynoobe haa kebindoo demde ngenndiije dee kam e karallaagal jaaynirgol limnere, yantude e gootidngol kelmeendi. Yanti heen kadi, ngam sembinde demde dee nder jaaynirde dee, ine himmi laamu nguu gaddoo keewal demde, hisna ko jeewte majje tayanaa koo, fotnda de nder tuugnorgal caaktugol ngol.

Hannde fof njeñtudi wiiñooji ganndiwal jangde paatudɗi e ekkagol buri hoolnude e sembinde pelle dee, sibu majji dallinde wonde kuutoragol demngal nehniwal ine teenti ngam moyɗingol ekko, hono no kumpitiri-den dum enen e koye men nii. Kañji fof di njoofiri ko he tonngol gootol, so wiye **sukaaɓe buri waawde janngude ko he demde mum en nehniije.**

Pelle pinal ngenndiije dee :

- Sabu mum en yenaneede joggol rewde tippudi nehdi e jangde tuugiindi he demde keewde, nde tawnoo « julyultondiral e muuyaade demokaraasi ine mbaddini e sukaabe bee marde, gaa gaa demde mum en nehniije ko idii fof, demde winndereeje e diiwaaniije dee, mbele aBe mbaawa jeyeede e renndo burngo yaajde, Be njeytoree kadi no haanirta nii he aduna mo Be nguuri hannde oo ».
- E tuugnaade kadi e juumtugol hoolkiso ngo dudal demde ngenndiije gadanal ngal wadnoo, faatungo e janggorgol pular e sooninke e wolof, hono no beto Breda–Unesco e Jaagordu Jangde leydi men e hoore mum, ceedorii dum haa mbasiyii jaajtingol mum nder denndaangal duude laamu dee.

Fawaade e dee gede didi, pelle pinal dee ine nodda Dowla Muritani :

1. Nde huutodinta ko yaaccii janggorgol demde ngenndiije he dow nafaore yimbe fof, wona jangde yuumtunde, nuundunde, nde joŋaani hay gooto.
2. Nde laawdinta demde ngenndiije pular, sooninke e wolof, pellital teentungal, joggungal ngam moyŋingol jangde nder demde ngenndiije.

Nuwaasoot, ñalnde 21 colte 2025
Jokkorde pelle pinal